

Тагнуулын ерөнхий газрын дарга,  
Төмөр замын газрын даргын  
2025 оны .....дугаар сарын .....-ны  
өдрийн ..... дугаар хамтарсан  
тушаалын хавсралт

## **ТӨМӨР ЗАМЫН ТЭЭВЭРТ ТУСГАЙ ЗОРИУЛАЛТЫН БАГАЖ, ХЭРЭГСЭЛ АШИГЛАХ ЖУРАМ**

### **НЭГ. НИЙТЛЭГ ҮНДЭСЛЭЛ**

1.1.Энэхүү журмын зорилго нь төмөр замын тээвэрт ашиглах тусгай зориулалтын багаж, хэрэгслийг /цаашид “багаж, хэрэгсэл” гэх/ ашиглах, хадгалах, түүнд хяналт тавихтай холбогдсон харилцааг зохицуулахад оршино.

1.2.Уг журмыг Монгол Улсын нутаг дэвсгэрт үйл ажиллагаа явуулж буй өмчийн хэлбэр харгалзахгүй төмөр замын тээвэрлэлтийн үйл ажиллагаанд оролцогчид дагаж мөрдөнө.

### **ХОЁР. БАГАЖ, ХЭРЭГСЛИЙН ТӨРӨЛ**

2.1.Хэрэгсэл нь дараах төрөлтэй байна:

2.1.1.хөдлөх бүрэлдэхүүнийг зогсоох, мөн түүний өөрөө өнхрөх хөдөлгөөнийг хязгаарлан тогтоох тоормосны ивүүр /цаашид “ивүүр” гэх/;

2.1.2.хөдлөх бүрэлдэхүүний дугуйн дор тавьж замд оруулах мэлхийвч;

2.1.3.хөдлөх бүрэлдэхүүний дугуйн дор тавьж замд оруулах дов;

2.2.Багаж нь дараах төрөлтэй байна:

2.2.1.цахилгаан шилжүүлэгчтэй сумын шилжүүлгийг гараар шилжүүлэн эргүүлэгч /цаашид “сум шилжүүлэх түлхүүр” гэх/;

2.2.2.замын хадаас сугалагч ацат царил /цаашид “царил” гэх/;

2.2.3.зам төмөр, дэрний бэхэлгээний системийн тусгай түлхүүр;

2.2.4.замын дээд бүтэц угсрах, засварлах, ажилд ашиглах амтай, амгүй бүх төрлийн тусгай түлхүүр /цаашид “замын ажлын тусгай түлхүүр” гэх/;

2.3.Багаж, хэрэгслийг энэхүү журамд заасан зориулалтын дагуу ашиглана.

### **ГУРАВ. БАГАЖ, ХЭРЭГСЭЛД ТАВИГДАХ ШААРДЛАГА**

3.1.Энэхүү журмын 2.1-т заасан хэрэгсэл нь стандартын дагуу үйлдвэрлэгдсэн, үйлдвэрлэгчийн тусгай таних тэмдэгтэй, тохирлын гэрчилгээтэй, тагнуулын байгууллагад бүртгэгдсэн байна.

3.2.Энэхүү журмын 2.2-т заасан багажийг хаана үйлдвэрлэснээс үл хамааран гагцхүү тагнуулын байгууллагад бүртгүүлсний үндсэн дээр ашиглана.

3.3.Багаж, хэрэгслийн хадгалалт, ашиглалт, хамгаалалт, хяналтыг эзэмшигч байгууллага бүрэн хариуцна.

3.4.Энэхүү журмын 3.1, 3.2-т заасан шаардлага хангаагүй багаж, хэрэгслийг ашиглахыг хориглоно.

3.5.Багаж, хэрэгсэлд эзэмшигч нь ялгах тэмдэг, хувийн бүртгэлийн дугаарыг цохимол аргаар тавина.

### **ДӨРӨВ. БАГАЖ, ХЭРЭГСЛИЙГ ЭЗЭМШИХ, АШИГЛАХ**

4.1.Ивүүрийг төмөр замын тээврийн байгууллага, салбар зам, хөдлөх бүрэлдэхүүн эзэмшигч ашиглана.

4.1.1.төмөр замын тээврийн байгууллага, салбар зам эзэмшигчид байх ивүүрийн тоо, тэдгээрийг ашиглах горимыг төмөр замын тээврийн байгууллагын өртөө, зөрлөгийн техник захирамжийн акт, технологийн горим /салбар замд сэлгээний ажил хийх заавар/-оор тогтооно.

4.1.2.зүтгүүр, өөрөө явагч хөдлөх бүрэлдэхүүнд байвал зохих ивүүрийн тоог уг зүтгүүрийн эргэлтийн мөр, өртөө, зөрлөг, замын хэвгийг харгалзан төмөр замын тээврийн байгууллага тогтооно.

4.1.3.сунгуу уруудууртай хоорондын зам дахь төмөр замын хамгаалалттай гармын жижүүрийн байранд байх ивүүрийн тоог төмөр замын тээврийн байгууллага тогтооно.

4.4.Дов, мэлхийвчийг сэргээн босгох галт тэрэг, өртөөний шуурхай ажлын баг, зүтгүүрийн депо, зам засварын хүнд машин механизмд заавал байлгана.

4.5.Сэлгээний зүтгүүрт хоёр ширхэг дов байж болно.

4.6.Багажийг зөвхөн төмөр замын суурь бүтэц барих, ашиглах, угсрах, засварлах тусгай зөвшөөрөлтэй хуулийн этгээд эзэмшинэ.

4.7.Төмөр замын гармын жижүүрийн байранд замын ажлын тусгай түлхүүр хадгалж, ашиглах эсэхийг суурь бүтцийн үйлчилгээ үзүүлэгч тогтооно.

### **ТАВ. БАГАЖ, ХЭРЭГСЛИЙГ ХАДГАЛАХ, ХҮЛЭЭЛЦЭХ**

5.1.Багаж, хэрэгслийг эзэмшигч нь дараах үүрэгтэй:

5.1.1.багаж, хэрэгслийг цоожтой бат бэх, найдвартай саванд хадгалах;

5.1.2.хадгалж байгаа багаж, хэрэгслийн жагсаалт, тоо ширхгийг тусгасан бүртгэлтэй байх;

5.1.3.багаж, хэрэгсэл хариуцсан ажилтан нь ажил эхлэхийн өмнө болон ажил дууссаны дараа тоолж, бүртгэл хөтлөх;

5.1.4.бүртгэлийн дэвтэрт хүлээлгэн өгсөн болон хүлээн авсан хүний нэр, албан тушаал, гарын үсэг, хугацаа, олгосон багаж, хэрэгслийн төрөл, тэмдэг, дугаар зэргийг тэмдэглэх.

### **ЗУРГАА. БАГАЖ, ХЭРЭГСЛИЙН АШИГЛАЛТЫГ ХЯНАХ**

6.1.Багаж, хэрэгсэл эзэмшигч этгээд нь бүртгэл, жагсаалтыг жил бүрийн IV улиралд багтаан төмөр замын тээврийн асуудал хариуцсан төрийн захиргааны байгууллага, тагнуулын байгууллагад хүргүүлнэ. Хэрэв жагсаалтад өөрчлөлт орсон тохиолдолд холбогдох тайлбар /ашиглалтаас хассан акт, устгасныг нотолсон баримт, алдагдсан тухай мэдэгдэл, мөн авсан арга хэмжээ/-ыг хавсаргана.

6.2.Багаж, хэрэгсэл эзэмшигч нь багаж, хэрэгслийн тооллогыг улиралд нэгээс доошгүй удаа хийх ба эвдэрч, гэмтэн ашиглах бололцоогүй болсон багаж, хэрэгслийг хураан авч эзэмшигчээс томилсон комиссын /фото зураг болон дүрс бичлэгээр баримтжуулан/ хяналт дор устгаж, акт бүрдүүлэн данснаас хасна.

6.3.Эзэмшигч байгууллага нь багаж, хэрэгслийг алдаж, үрэгдүүлсэн тохиолдолд дотоод хяналт хариуцсан албан тушаалтан, тагнуулын болон цагдаагийн байгууллага, төмөр замын тээврийн асуудал хариуцсан төрийн захиргааны байгууллагад нэн даруй мэдэгдэнэ.

6.4.Алдагдсан багаж хэрэгслийг олдсон тохиолдолд ашиглах боломжтой бол төрийн захиргааны байгууллага, Тагнуулын ерөнхий газарт мэдэгдэнэ.

### **ДОЛОО. Хариуцлага**

7.1.Энэ журамд заагдаагүй хүн, хуулийн этгээдэд багаж, хэрэгслийг эзэмших, ашиглах, хадгалахыг хориглоно.

7.2 Энэ журмыг зөрчсөн хүн, хуулийн этгээдэд Зөрчлийн тухай эсхүл Эрүүгийн хуульд заасан хариуцлага хүлээлгэнэ.

--- о О о ---